

اعتصام

سنه ۱ —

واعتصموا ❦

عدد — ۶

۲ کاتون ثانی
سنه ۱۳۳۴

{ منافع عامه به خادم مجموعه اسلامیه در }

۲۸ ربیع الاول
سنه ۱۳۳۷

احمد شیرانی

جهاد فتوایی و مسؤولیت دعوائی

طاهر المولوی

بر حسب حال ، بر تخی

محمد امین

هر ملت لائق اولادینی حکومتہ نائل اولور

معلم فیضی

زده ابتدائی تحصیل

مقام مشیختک نظر صحابتنہ

فیثاتی ♦ ♦ ♦ پاره در

آدره من : فاتحہ (اعتصام) محل اداره سی

۱۳۳۴

شمندوفر پروسلمری صاتار برارمنی واردی . جاده لوده « وقت قالمادی ،
چکیلیورا » دییه باغیره باغیره کیدردی . متوفی صاغ اولسه ییدی ده بوندای تشویقی
اولمای عرفان افندیلر مزه اسماع ایله یه بیلسه ییدی .

شایان شکران حادثاتندندرکه (اعتصام) ک برنجی نسخه سنده مدارس امورینه
باققی اوزره برقومیسون تشکلیله مش اولدینی یازیلپوردی . انشاء الله برقومیسون ؛
احیای مدارس متعلق مقررات مصیبه ده بولنور و اوقرارلر ؛ درس و کاتیلله مسند
مشیخته شرف بخشا ایکی فاضل بنامک همت مشکلات براندازیله حسن تطبیق
ایدیلیرده تشکیلات مهوده ،

شول سطورى محو اولوب ابتر قالان حجت که
قالیر و لطف الهی ایله مدارس علمیه ده یکیدن حیات عرفان اوایلر .
والبعث بعد الموت حق

طاهر المولوی

— بزده ابتدائی تحصیل —

— کچن نسخه دن مابعد —

بوکون تدریسات ابتدائی ویرکوسی تحصیل ایدلیدی حالده بوملتک تملای ،
مکتب اولارق بایلدیردینی برابتدائی مکتبی یوقدر . تدریسات ابتدائی ویرکوسی ،
شوبر ایکی آی ظرفنده ، ایکی سنه لکی برانکده اوله رق فقر ایله آوده اولان شو
ملتن . تحصیل ایدلیدی ! بو ویرکونک

مهم بریکون طوتدینی شبهه سزدر .

ایش بومرکزده اولدینی حالده « استانبول معارف اداره سی » بی چاره معلمارینه
منتظماً معاش ویره مز . بوکیفیتی قاج دفعه هنرته ستونلرنده کوردک !

ابتدائی مکاتبی کبی مهم مؤسساتی اداره ایدہ جک ہیئتک برصفت تعلیمک نہ
 دیمک اولدیفنی مدرک ، کار کنار کیمسہلر دن مترکب اولمسی لازمدر . ایکنجی
 درجہده غذایی تشکیل ایدن مکتبازک اویله چوروک برطرز اداره یه تابع اولدیفنی
 کورپرزکہ ذرہ جہ صاحب وجدان بذات برسنہ اورتہسی گادیکی حالده معلمارنی
 تعین ایدہمین ، هانکی کتابی اوقوتہ جفنی ارائہده متردد قالان ، حتی یانان مکتبہی
 آچوب آچیہ جفنی الآن کسديره مین، قیدش اورتہسندہ محروقات تدارکنی اِدوشون
 براداریه ناصل خدمت ایدہ بیلہ جکفی دوشونورا برمعلمک شو ایکی اوج آھی ظرفندہ
 اوج مکتبہ دیکشہ بدریدی نظر بصیرتہ کورولہ جک شیارنددر اداره نک بوکون
 کوندریدی معلمی برقاج کون صوکرہ دیگر برمکتبہ نقل ایتدیکی دوشونولورسہ
 تدریساتی نہ قدر غیرجدی ، تاقی ایتدیکی بکنظرده آکلاشیلور . «نمونه» نام غریبی
 آلتندہ صباح آچیلوب اقسام قبانان اویله برطاقم بنالواردرکہ ایجریسندہ کی چوچقلر
 آلتی قسمہ تقسیم ایدلیدیکی ، مختشم تشکیلاتہ مالک اولدینی حالده آیلرجه برمدیر ، برایکی
 معلم ، سکز اون منحل ایلہ کتابلرک یاراقلری کیلمہدن ، کونشک طلوع وغروبہ
 کورہ فتح وسدباب ایتکی یکانہ شمار ایدیشلردر .

تدریساتہ کلنجه : بو بابده کی مشاهدات وافکاریمی ده عرض وایضاح ایدہیم .
 معلومدرکہ تدریسات پروغراملرہ تطبیق ایدیلرک اجرا اولنور . اگر پروغرام
 دوشونیلرک ، احتیاج حقیقی ملت طارئیلرک پایلشمش ایسہ تطبیقاتی مفید برنتیجہ ویرز .
 بزجہ قبول ایدیلن تدریسات ابتدائیه پروغرامی ؛ کوچوک دماغلری ، مختلف
 ومناسبتسز اولرک احداث ایدلش برطاقم درسار مواجہہ سندہ بولوندر . نمونہ
 پروغرامی اودرجه آلایشلی درکہ بونی اوقویان صاحب اذعان برکیمسہ ، درحال
 قابلیت تطبیقیہدن محرومیتنی تسلیم ایدر :

بو پروغرام موجبنجه بز ؟ چوجفہ دیننی ، قرآنی پک سطحی اوکرتدکن
 صوکرہ برسان اجنبی دن طوتده تنکہ جیلک ، دمیرجیلک وایماجیلغہ قدر بوتون
 صنایعہ حتی فن انداختہ وموزہ جیلک واقف قیلہ جغز اویله می ؟ . هر درسک تخصیصندہ

بر غایه کوزه دین . چو جقه نوطه تحصیل ابتدیریز . لکن ، آنده موسیقی به
قارشی متعجس ، بر دماغ او یاندردقی ؟ .

محدوده وقف مکتبی مغفله لریدن

۲۸ تشرین ثانی ۱۳۳۴

فیضی

هر ملت لائق اولدینی حکومته نائل اولور

عصر اخیر مدنیته ، تکامل اجتماعی و سیاسی ایدن فرایه اختلال
کیرینک ال بنام رجالندن مونتسکیو بیوک بر حکمت سیاسی و اجتماعی شو دستور
و چیز ایله عرض و ابلاغ ایتشد :

هر ملت لائق اولدینی حکومته نائل اولور . . .
هنکام وحشتدن ادوار مدنیته قدر کلوب کوچن بالجه انسانی بشره حاکم
اولان بؤ اساس قویمی ؛ مونتسکیودن عصر لجه مقدم اولان واضع دین اسلام
بی دیشان افندی :

ای اتم ! سنر کندی قابلیتکزد کوره اولیای اموره نائل اولورسکز !

مآلنده کی حدیث شریفی ایله بیان و تفهیم بیور مشلردر .

شو دستور قویم و اساس متین و تیزه تحقیق قیلنیرسه بر هیأت اجتماعی و سیاسی نک
صلاح و فسادینک منشئی اوهیئت اجتماعی و سیاسی بی ترکیب و تشکیل ایدن افرادک

خیر و شره اولان استعداد و تمایللری اولدینی تسلیم و قبول ایدلک ضروریدر .

تاریخ ؛ جغرافیا و عرق اقنوملریله طرز معیشتک افرادده حاصل اولان

استعدادده آز چوق حائر تاثیر اولدینی منکر اولماقله برابر بو خصوصده اک مؤثر

عاملک . [تربیه] اولدینی علم اجتماع تطاعتله ادعا و اثبات ایدور . بوکا مبنی ؛

۱۲۵۵ شهبانک یکریمی آلتی کونی کلخانه میداننده یوز الی سنه دنبری دوام

ایده کلان فلاکت اداریه به نهایت ویره رک دولتی کر ذاب فلاکت و ورطه انقراضدن

قور تارمق املیله « امنیت جان و محفوظیت عرض و ناموس و مال و تمین و یرکو

و عساکر مقتضیه نک صورت جلب و مدت استخدای قضیه لر » نی توثیق و مجرای